



Broj:
Sarajevo, __. __. 2017. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – Prečišćeni tekst), Gradsko vijeće Grada Sarajeva, na 4. sjednici održanoj 31.05.2017. godine, primilo je k znanju

Informaciju o izgradnji biciklističke staze na potezu Nedžarići - Skenderija.

PREDSJEDAVAJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

INFORMACIJA O IZGRADNJI BICIKLISTIČKE STAZE NA POTEZU NEDŽARIĆI – SKENDERIJA

Predlagač: Gradonačelnik Grada Sarajeva
Obradivač: Služba za komunalne poslove

Sarajevo, maj 2017. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019

Programom rada Gradskog vijeća Grada Sarajeva za 2017. godinu planirano je razmatranje Informacije o izgradnji biciklističke staze na potezu Nedžarići – Skenderija.

Cilj sačinjavanja ove Informacije je upoznavanje vijećnika Gradskog vijeća Grada Sarajeva sa aktivnostima provedenim na realizaciji ovog projekta.

UVOD

Popularizacija biciklizma u našem gradu se ogleda u sve većem broju biciklista koji to prevozno sredstvo koriste ne samo u rekreativne, nego i u transportne svrhe. Zbog nepostojanja adekvatnih staza za biciklizam, biciklisti su prinuđeni koristiti površine koje su namijenjene za pješake, čime krše zakon i ugrožavaju pješački saobraćaj ili su prinuđeni voziti po saobraćajnicama što je izuzetno opasno imajući u vidu stepen saobraćajne kulture vozača automobila.

Ova je Grad Sarajevo, u saradnji sa Direkcijom za puteve Kantona Sarajevo i Ministarstvom saobraćaja Kantona Sarajevo, pristupio realizaciji projekta izrade biciklističke staze Nedžarići – Skenderija ukupne dužine cca 14000 metra. Ova dionica je nastavak već projektovane biciklističke staze Ilidža - Nedžarići, a kao osnova za trasu ove staze koristi se „Elaborat mreže biciklističkih staza na području Kantona Sarajevo“.

Osnovni ciljevi projekta izgradnje biciklističke staze su:

- Stvaranje potrebne infrastrukture za razvijanje biciklističkog saobraćaja u Sarajevu;
- Izgradnja glavne biciklističke longitudinalne kroz Sarajevo kao baze za dalje širenje mreže biciklističke infrastrukture prema „Elaboratu mreže biciklističkih staza na području Kantona Sarajevo“;
- Podizanje svijesti građana o zdravom i bezbjednom načinu prevoza.

Ovaj projekat je već dao svoje rezultate i polako se biciklistički vid saobraćaja uvodi u Sarajevu kao **normalan i bezbjedan**.

Ovaj projekat Grada Sarajeva je potaknuo i druge općine grada i Kantona Sarajevo koje su pristupile izgradnji mreže biciklističkih saobraćajnica na svom području.

STRUKTURA PROJEKTA

Za potrebe izgradnje biciklističke staze na potezu Nedžarići – Skenderija, prvobitno je bilo potrebno **obezbjediti** odgovarajuću projektnu dokumentaciju.

Direkcija za puteve Kantona Sarajevo je izradila Projektni zadatak za projektovanje biciklističke staze sa osnovnim elementima koji se zahtijevaju od projektanta i to da trasa biciklističke staze bude **određena na osnovu** "Elaborata mreže biciklističkih staza na području Kantona Sarajevo".

Nakon provedene procedure Javne nabavke kao najpovoljniji ponuđač za usluge projektovanje biciklističke staze Nedžarići – Skenderija odabran je Arhitektonski fakultet – Institut za arhitekturu, urbanizam i **prostorno**

planiranje. Potpisan je Ugovor br. 01-14-534-4/14 između Grada i Arhitektonskog fakulteta gdje je definisana cijena usluge izrade izvedbenog projekta u iznosu od 47.970,00KM sa PDV-om.

Institut za arhitekturu, urbanizam i prostorno planiranje dostavio je koncept Projekta biciklističke staze Nedžarići - Skenderija. Konceptom je dat prijedlog trase biciklističke staze koji je dostavljen svim općinama na uvid i usaglašavanje. Nakon načelnog usaglašavanja trase projektant je pristupio izradi Idejnog i Glavnog projekta za dio biciklističke staze koja prolazi kroz općine Novi Grad i Novo Sarajevo.

Grad Sarajevo i Direkcija za puteve Kantona Sarajevo potpisali su i Sporazum o zajedničkom finansiranju izgradnje biciklističke staze Nedžarići – Skenderija.

Sporazumom je definisano da su nosioci realizacije projekta Grad Sarajevo i Direkcija za puteve Kantona Sarajevo na ravnopravnim osnovama. Prema Sporazumu projicirana ukupna vrijednost izgradnje biciklističke staze Nedžarići – Otoka iznosi 1.500.000KM, u kojem iznosu Grad i Direkcija učestvuju po 50% od ukupnog iznosa.



Slika 1. Biciklistička staza

Također, Sporazumom je definisano da će se izvođenje radova obavljati fazno na način koji slijedi:

- Prva faza „Nedžarići - Otoka“ – radovi realizovani;
- Druga faza „Otoka - Elektroprivreda“ – početak radova se očekuje u junu ove godine
- Treća faza „Elektroprivreda – Skenderija“ sa početkom radova u drugoj polovinu 2017. i u 2018. godini

FAZA I, DIO BICIKLISTIČKE STAZE KOJI PROLAZI KROZ OPĆINU NOVI GRAD SARAJEVO

Na osnovu Sporazuma o zajedničkom financiranju izgradnje biciklističke staze, Direkcija za puteve Kantona Sarajevo zaključila je Ugovor o izvođenju radova sa Kantonalnim javnim preduzećem, „Rad“ d.o.o. Sarajevo u visini od 959.301,31KM. Od toga za dionicu od VI transferzale (Nedžarići) do X transferzale (Otoka), lijeva i desna strana, u iznosu od 784.332,95KM sa PDV-om u omjeru po 50% Direkcija za puteve Kantona Sarajevo i Grad Sarajevo. Za dionicu od X transverzale (Nedžarići) – XI transverzala (HECO pijaca) Direkcija za puteve Kantona Sarajevo snosi ukupne troškove u visini od 174.968,00KM. Kao nadzorni organ nad izvođenjem radova izabran je Zavod za izgradnju Kantona Sarajevo.

Biciklističke staza na području Općine Novi Grad Sarajevo je završena, postavljena je vertikalna i saobraćajna signalizacija uključujući i uvođenje biciklističke staze u sistem semafora na raskrsnicama.

Trenutno se provode aktivnosti na tehničkom prijemu biciklističke staze.



Slika 2. Biciklistička staza u Općini Novi Grad Sarajevo

Na ovoj dionici biciklističke staze planirana je izgradnja dva odmorišta za bicikliste sa svim neophodnim sadržajima koju takva infrastruktura podrazumijeva, kao što su parkinzi za bicikla, klupe za odmor, voda, itd.


Finansiranje izgradnje ovih odmorišta preuzela je na sebe Općina Novi Grad Sarajevo.

Završetkom izgradnje ove dionice iscrpljena su sva sredstva predviđena Sporazumom o zajedničkom finansiranju izgradnje biciklističke staze Nedžarići – Skenderija, te je okončana saradnja između Grada Sarajeva i Direkcije za puteve Kantona Sarajevo na realizaciji ovog projekta.

FAZA II, DIO STAZE KOJI PROLAZI KROZ OPĆINE NOVO SARAJEVO I CENTAR SARAJEVO

Nakon završenog idejnog projekta za Fazu II, Općina Novo Sarajevo, podnesen je zahtjev za dobivanje urbanističke saglasnosti. Zbog veoma ograničenih prostornih mogućnosti na potezu između Otoka i Malte, projektant je predvidio da na pojedinim dijelovima na tom potezu budu prekidi biciklističke staze. Međutim, Općina Novo Sarajevo se nije složila s tim rješenjem te je tražila dopunu zahtjeva za izdavanje Urbanističke saglasnosti u smislu izgradnje kontinuirane staze, te je traženo da trasa biciklističke staze bude u skladu sa

Mišljenjem Ministarstva saobraćaja Kantona Sarajevo o izuzimanju jedne trake od kolskog saobraćaja i pretvaranje u biciklističku traku u ulici Vilsonovo šetalište, cijelom dužinom.



Slika 3. Biciklistička staza u Općini Novo Sarajevo

Grad Sarajevo je, obzirom da je u Budžetu za 2016. godinu imao obezbjeđena sredstva u iznosu od 300.000,00KM, odlučio da se projekat nastavi realizirati u skladu sa tada raspoloživim finansijskim mogućnostima, te je raspisan tender za radove na izgradnji biciklističke staze od Otoke do Elektroprivrede.

Trasa od Otoke do Čengić Vile prolazi duž ulice Bulevar Meše Selimovića do mosta Malezijsko – Bosanskohercegovačkog prijateljstva. Od navedenog mosta prelazi na lijevu obalu Miljacke i duž ulice Aleje Lipa, dalje preko mosta Topal Osman paše do raskrsnice kod Socijalnog, te pravcem iz grada prema Otoci prelazi duž ulica Zmaja od Bosne i Bulevar Meše Selimovića.

U decembru 2016. godine Grad Sarajevo i Ministarstvo saobraćaja Kantona Sarajevo potpisali su zajednički Sporazum o sufinansiranu izgradnje biciklističke staze, te je u skladu sa tim dokumentom na račun grada prebačen iznos od 300.000,00KM.

U Budžetu Grada Sarajeva za 2017. godinu planirana su sredstva za izgradnju biciklističke staze u iznosu od 600.000KM.

Ministarstvo saobraćaja Kantona Sarajevo je u ovoj godini planiralo sredstva u iznosu od 200.000,00KM.

Izvođenje svih radova na ovoj dionici je ugovoreno nakon prevedenog javnog tendera. Odabrani izvođač radova je firma „Bosman“ d.o.o. Sarajevo sa ukupnom vrijednosti od 433.769,11KM sa PDV-om i rokom izvođenja radova od 90 dana.

Početak radova na izgradnji ugovorene dionice se očekuje u junu ove godine.



Slika 4. Biciklistička staza na području Općine Novo Sarajevo koja će se graditi u 2017. godini

Trenutno se vrše aktivnosti i na izradi idejnog rješenja biciklističke staze na području općine Centar. Nakon usaglašavanja trase sa Općinom Centar i Ministarstvom saobraćaja Kantona Sarajevo pristupiti će se izradi Idejnog projekta i ostale aktivnosti na pribavljanju dozvole za građenje.



Slike 5. Biciklistička staza na području Općine Centar